

溫縣志序

溫舊無志非無志也雖有之然皆率自
手抄未經宗匠筆削且魯魚亥豕恒叅
半焉雖謂之無志可也夫邑以泉得名
蓋自周卽爲蘇司寇食邑迨今且越千
祀餘矣中間好古博雅者代不乏人獨
邑志未有刻本誠缺典也往歲河汾龍
洲王公曾署邑篆時囊方讀禮亦嘗以
志見屬無何公內轉司成尋以職方進
秩光祿少卿而裳自車駕出知河間及
馳驅雁門上谷間因循歲月撚指十有
五年言之愧汗浹背甲戌春裳解綬歸
田夏四月我侯奉

溫縣志卷上序

命來宰溫邑不朞月而政成化行刑清民
服乃于脩廢舉墜之餘詢訪邑志深慨
夫文獻之無徵不足以信今而傳後也



樂因憶前過邯鄲邯鄲丞與予同名姓
者惠有邯志四冊即公所刻乃知天下
事固自有數也于是筮日齋沐率邑人
士再拜懇于侯侯曰唯唯頃當報政衆
方以不克借寇爲慮而不知志蓋以脫
藁矣間以示裳俾序諸簡端且不自居
其事既又命裳等讐校裳得而受讀之
網凡六目四十有三其事則詳而核其

體則嚴而正其辭則質而雅其義則精
而深且每款各附論斷具見經綸至于
削司馬懿于鄉賢尤得春秋之義茲志
之裨于風化者良不淺也是故地里志
而古今之沿革山川之壯麗疆域之幅
幘形勢之險固風俗之淳漓村落之疎
密物產之豐畱古跡之存否備于此矣
建置志而城池之高深祀祠之脩廢縣

治之圖式學校之作與公署之完敝郵
政之勤怠兵屯之錯雜集市之貿遷橋
梁之成毀坊牌之表樹社學之增設寺
觀之開泐備于此矣貢賦志而田糧之
多寡戶口之登耗均徭之輕重驛傳之
正幫班匠之徵免河夫之支解里甲泚
長備于此矣人物志而官蹟之遺愛鄉
賢孝子游寓之遺行選舉之科名封贈

之世代戚畹之門閥列女之貞潔仙釋
之玄造備于此矣詞翰志而誥命之褒
崇奏疏之剴切記文之典實備于此矣
以至附雜志而凡水旱螟雹麒麟地震
莫不謹書而備錄之矣夫民生休戚人
物臧否古今代謝悉具于志則志固一
邑之史也由是而可以備省觀可以垂
鑒戒可以經政貞教學非一方之大幸

乎侯之閎才博學善政壯猷不可以
其涯涘耶侯名第姓張氏字汝登山東
荏平人舉辛未進士仰峯其別號云
萬曆五年仲夏既望

賜進士第山西右叅政邑人朱裳書

盩厔縣志目錄

上卷

地理

沿革 疆域 山川 形勢 風俗

鄉里 物產 古墳 墳墓

建置

城池 祠祀 縣治 學校 書籍

公署 郵政 兵屯 集市 橋梁

坊牌 社學 寺觀

盩厔縣志卷之上

貢賦

田賦 戶口 均徭 驛傳 班匠

河夫 里甲

下卷

人物


宦蹟 鄉賢 孝義 將寓 選舉

封贈 戚畹 列女 仙釋

詞翰


誥命 奏疏 記文

縣圖



溫縣志卷之上

三



懷慶府溫縣為纂修誌書以脩典要事蒙

本府紙票蒙

河南等處承宣布政使司憲牌順治拾伍年叁月貳拾捌日蒙

欽差巡撫河南等處地方提督軍務兼理河道兵部左侍郎兼都

察院右副都御史加壹級賈 憲牌前事照得各府州縣

之有誌也其所紀載不越提封四境之中而實能備

國史之所未盡蓋猶大宗之有小宗焉猶江海之支流山嶽之巔阜

溫縣志卷上序

焉不可廢也中州夙稱文獻名邦高竇登出其千與故載

籍籍必所系重非提設司呈送通省府州縣誌書皆僅舉拾

陸種其餘各屬咸稱兵燹之後蕩然無遺就其中新經

纂刻者止汝州永寧數處此外皆係勝國舊編而于丘

今之事俱付闕如及今不圖恐世遠言湮老成凋謝後來

雖欲從事勢必更難擬合通行亟為修纂奈為此牌仰本

司官吏到即便轉行各府州縣凡無誌者速宜細羅

舊章博求稗乘敦禮耆英開局哀輯其有舊誌而

未載近今之事者或有雖經翻刻而因陋就簡不詳史裁
者亦須多方採集更延名碩訂正務使缺畧咸輯今昔備
載修成先錄清稿呈送本部院披覽諒此不朽之垂人人
自有同心也毋得遲違等因到司牌行到府蒙此擬合就行
為此票仰溫縣官吏照票備蒙憲票內事理文到即查該
縣果無誌書者速宜細羅舊章特求釋乘敦禮耆英
開局稟輯其有舊誌而未載近今之事者或有雖經翻
刻而因陋就簡不詳史裁者亦須多方採集更延名碩
訂正務使缺畧咸輯今昔備載修成先錄清稿
具文徑送

溫縣志卷上序

二

順治拾伍年肆月 日

誌姓民

總裁

巡撫河南兵部侍郎都察院右副都御史加督級賈漢傑 陽侯滿州籍曲沃人

巡按河南監察御史李及秀 今屬順天玉田人丁亥

提調

布政使司左布政使 管廷鳳 瑞吾遼東錦州人生員

右布政使 徐來麟 石要遼東錦州人生員

按察使司按察使 王原應 齊之直隸真定人恩貢

溫縣志卷上序

三

提督學政右參議兼僉事朱廷瑞 增城江南及縣人丁亥

分守河北道左參議 張 濬 介屏山西孟縣人丁卯

兵巡河北道 兼 事 楊春芳 葦蕩北直興濟人恩貢

管運糧道副使兼左參議 武攀龍 蘭右山西交城人丙戌

管通省糧儲道副使兼左參議 武攀龍 蘭右山西交城人丙戌

專管通省河道水利兵備副使 徐必達 寧卷貴州新貴縣人丙戌

督理

懷慶府知府 劉 瑞 鳳指遼東廣寧人丙戌

清軍同知王玉生 桂崑山東益州人拔貢

糧河通判全元樞 瓊嶺北直獻縣人拔貢

總捕通判王道平 坦之德興人貢士

推官 曹同統 容慶江南吳興人壬辰進士

較梓

懷慶府温縣知縣 李若虞 撫一遼東海州人由戈子拔貢

同較

懷慶府學署温縣教諭 呂共猷 蘭皋開封府長葛縣人由歲貢

温縣志卷上序 四

訓導 蕭元亨 中之開封府儀封縣人由歲貢

纂修

邑人順治戊戌科進士吳國用

邑人天啟丁卯科舉人任君温

邑人思 拔 貢 生趙明民

邑人 歲 貢 生曰九二

邑人廩膳 生 員馮時揚

評論

邑人舉

人趙明綱壬午

邑人廩膳生員張射斗

訂正

邑人舉人李樹聲戊子

邑人舉人朱大章丁酉

邑人生員張從瑞

邑人生員鄭重

采輯

溫縣 卷上序

五

邑人廩膳生員原世傑

邑人生員田元三

溫縣志卷之上

地之一

溫縣 懷慶府屬邑 豫禹貢周禮職方溫在冀
 域同為司寇蘇忿生采邑東周為畿內邑春
 秋天王兩會於溫即此戰國屬魏秦屬三川郡
 後廢隋復置屬懷州唐武
 德四年隋令周仲隱以縣貢去王世克來降遂
 置平州尋復為縣隸懷州顯慶二年改隸洛州
 又屬孟州五代及宋皆仍舊金棘沁陽軍節度
 元隸孟州屬懷慶洛

溫縣志卷之上 四

國朝洪武四年復置溫縣隸孟州十年改隸懷慶
 府編戶十九里弘治十五年編戶二十一里今
 因之



西北達于府四十五里東抵武陟縣界二十

里南抵沁水縣界二十里西抵孟縣界三十里

北抵河內縣界二十里廣五十里袤四十里

懷屬溫最節倖正求之所謂如五六十者也冠
 蓋鮮及供億不費足稱樂土柰西鄙之民地瘠

賦重率多積逋一遇勾攝即藏匿他境此
民頑之故哉是民之方當思所以處之矣

黃河在城南

黃河巨波也似非邑之所得專者而溫城在河
之澗相距不離數里每遇泛漲突至城下水退
而南其灘漸可宜麥溫土在高處者最狹沿灘
一帶溫民半利賴焉灘之近北岸者五區起程
迤南率多沙薄近亦有入租者然河流遷變不
常退灘疆界易混薰之軍民雜處強弱相吞故

溫縣志卷之上

五

質成之民殆無虛日司土者亦以多事矣

水漲黃河

瀾風恬激浪平春光憐久曠麗日始回生漸見
來牟秀應占黍稷成熊車咨問處四野喜無驚
都察院胡石屏溫縣渡河
乃伊王發牆之年也故云

溫泉源在城西五里院

縣之得名以此今摠舖猶名溫泉志舊也泉之
涇計已百年餘今有隱隱小河一道起自五里
院經縣之南門而東者即其故道也相傳泉流
常溫士忻浴德民利灌溉昔人曾建亭於上時
遊賞焉今亭與泉俱廢不可識矣說者謂黃河

泮沒其源遂淤又謂當時遊賞居民不便故塞

之知縣孟津曾詢及鄉之故老指而搗之得木

椿蓋籍亭之物也而泉竟不可得矣嘗思浴沂昔賢風又

見溫泉此邑同道脉可知隨地發人心須向活源窮獨憐井深寒無火誰引涖流塞有通試學

狂遊春暮日肯教童冠不相從河南推官周秀

泮河 在縣西三十里上院村

按禹貢導泮水東流為濟入于河蔡氏註云泮

水者濟水也發源為泮既東為濟至温縣歷魏

公墓入于河

八温縣志卷之六

小河在縣治南二里許乾涸尚存

此河上接溴水溴水源出濟源縣崆山流入孟

縣經城東而南至孟江口尚遠而東二十五里

至泮河鎮與泮水合流入温縣界每遇秋潦水

勢衝突决小全失由揚家營駝塢王羊店溝南

黃門平泉京入武陟界又二十五里至南賈村

接沁水下入黃河自孟江口至入河之處共計

七十五里一河為害三縣受傷悲哉民其魚鱉

矣近年河流徑自孟江口趨入黃河才八里耳

水勢便利民害頓息但以地糧未與終處以
地土李景新復有開舊填新之訟與隣河生員
揚之變各告不已府委溫孟二屬勘之第借孟
尹饒之初尋流上下灼見開舊則所費不貲且
貽害不淺乃議以舊河身地付與臨河之家即
以新河身糧派與種河之人民情稱便水患可
永絕矣此關利害之大故詳及之

新河在縣治北十里

按其地卑易積潦則洋溢漫流傷稼永樂十四

溫縣志卷之上

年主簿章得義疏通經縣東而南與澗河合流
入黃河嘉靖三十年知縣孟津挑濬之今漸淤
平思繼二公俾田不卒污惟任導利之責者時
加之意焉可也

神農淵在縣境內相傳炎帝神農氏採藥于此嘗
五穀以杖畫地遂成淵

金堤在縣治西三十里濟澗二水夏秋湧溢為
害洪武十七年縣丞范忠築堤防之長四里名
此河堤成化間知縣李鏜增築之長二十里易